

LENYALO

Lenane-thuto

Notes —

KAROLO EA #1:

- I. Selelekela.
- II. Lenyalo: Boithuto bo Akaretsang ba Bibe.
- III. Lenyalo le Likarolo/Maikarabello a Lenyalo:
 - A. Selelekela.

KAROLO EA #2:

- III. Lenyalo le Likarolo tsa Lenyalo:
 - A. Selelekela.(Nts'etso-pele.)
 - B. Tsamaiso le tatellanyo ea Molimo ea Tlholeho.

KAROLO EA #3:

- III. Lenyalo le Likarolo/Maikarabello a Lenyalo:
 - B. Tsamaiso le tatellanyo ea Molimo ea Tlholeho. (nts'etso-pele.)
 - C. Lenyalo le Likarolo/Maikarabello a Lenyalo

KAROLO EA #4:

- III. Lenyalo le Likarolo/Maikarabello a Lenyalo:
 - C. Lenyalo le Likarolo/Maikarabello a Lenyalo? (nts'etso-pele.)

KAROLO EA #5:

- III. Lenyalo le Likarolo/Maikarabello a Lenyalo:
 - D. Litlhaloso tsa Kamano ea Lenyalo.
 - E. Qetello
 - Tlhahlobo

LENYALO

Notes

Tlhahlobo

Lipotso tse ka lebelloang, Limaraka li 20

- 1) Ts'ehetsa taba ea hore basali ba lekana le banna tlholehong (maq. 244, 245).
- 2) Bible e bolela eng ka Boikokobetso ba mosali (maq. 259-262)?
- 3) Hlalosa karolo eo Bible e bonts'ang hore banna ba lokelang ho bapala (maq. 265-267).

Lipotso tse ka lebelloang, Limaraka li 10

- 1) Bolela e ngoe ea merero ea Molimo ka lenyalo. Kenyeletsa Lengolo (leq. 242).
- 2) Kamano ea Lenyalo e lupa...? fana ka mehlala e 'meli (kenyeletsa Mangolo; ;leq. 243).
- 3) Re bolelang ha re sebelisa lentsoe "Tlhahlamano" ho hlalosa likarolo/maikarabello a lenyalo (leq. 249)?
- 4) "Maikutlo a nepahetseng" ke a fe kahar'a lenyalo (leq. 254).
- 5) Ka polelo e le ngoe kapa tse peli, hlalosa phapano pakeng tsa lerato la "50/50" le la "100/ 100" (leq. 264).
- 6) Sebelisa lintlha tse bonts'ang likarolo tsa boleng le kamano Borarong bo Halalelang, e le tlhaloso ea lintlha tse bonts'ang likarolo tsa boleng le kamano lenyalong (leq. 271).

LENYALO

I. Selelekela.

Notes —

A. Bohlokoa ba Lenyalo.

1. Karolo ea mantlha ea tikoloho le phelisano ke lelapa.
 - a. Kamano ea mantlha ea lelapa ke kamano ea lenyalo. Kamano e pakeng tsa monna le mosali, ke kamano ea motheo ea botho.
 - b. Lenyalo esale e le kamano ea botho ho tloha ha Molimo a e tlotsa serapeng sa Edene.
2. Hona le polelo e reng lenyalo ha se ho fumana motho eo o ka phelang le eena, empa ke ho fumana motho eo o ke keng oa phela ntle le eena.
 - a. Polelo eena e supa boholo ba Molimo ba ho beha batho ba babeli ‘moho.
 - b. E boetse e bonts’a bohlokoa ba lenyalo. Lenyalo le sebetsa ho tlatsetsa le ho phetha e mong. ‘Nete ke hore, ho latela Bibe, mosali o entsoe e le “mothusi” kapa motlatsi/ea etsang hore monna a phethehe. (Gen 2:18).

B. Lintlha tsa Thuto ena.

1. Ea pele, re tla fana ka Boithuto ba Bibe, bo akaretsang, bo bukhuts’oane ka sehlooho sa Lenyalo.
2. Hape, re tla ithuta ka kotloloho likarolo tsa lenyalo bakeng sa ho utloisisa seo Bibe e se buang ka lenyalo le kamano e pakeng tsa monna le mosali.

LENYALO

Notes —

II. Lenyalo: Boithuto bo Akaretsang ba Bibe.

A. Boithuto ba Gen 2:18-24.

1. Taba ea pele eo re elelloang ke hore Molimo o etselitse monna “mothusi: (tem. 18-22).
 - a. Lentsoe la Seheberu le hlalosang “mothusi” ke lentsoe le bolelang “botlalo kapa bots’ehetsi.”
 - b. Hona ke hore, mosali ke botlalo ba monna. Oa mots’ehetsa ebile oa motlatsa.
2. Temaneng ea 23, re bona karabelo ea monna popong ea “mothusi” enoa.
 - a. Taba-kholo ke hore monna le mosali ba amana ho tloha popong kaha mosali o tsoa ho monna.
 - b. Kamano ena ke ea botho ebile e tebile haholo.
3. Qetellong, temaneng ea .24, re bona phatlalatso ea bonnete ba ho etsoa ha lenyalo.
 - a. “**kaba lena:**” boteng ba ho hloloa ha lenyalo, bo thehiloe khethong ea Molimo e le ‘Mopi oa lintho tsohle.
 - 1) Lenyalo le hlotsoe/entsoe **ka baka** (“ka baka lena”) la tsela eo Molimo a bopileng monna le mosali.
 - 2) Kaha Molimo a entse mosali ho tsoa ho monna, lenyalo le teng. Ke ntho e utloahalang eo, e etsa kelello, e tebile.
 - b. “**Monna o tla siea ntata’e le ‘ma’e.**” Kahoo monna o nka khato.
 - 1) O siea lelapa leo a tsoaletsoeng ho lona ho qala lelapa le lecha.
 - 2) Ho eena, ho seng ho tla tla pele ke lelapa la hae le lecha.

ebile

LENYALO

- c. **“o tla khomarela mosali oa hae:”** qaleho e kenyeletsa monna le mosali ka bobeli ba bona.
- 1) Monna o lokela ho siea le ho khomarela. Hona ke hore, o lokela ho siea tsa morao a khomarele tse ncha.
 - 2) Lentsoe “khomarela” le supa taba ea kamehla. Hona ha se ketsahalo ea nakoana. Ke kamano ea kamehla, e matla haholo.
- d. **“me ba babeli e tla ba nama e le ngoe:”** sephetho ke hore monna le mosali ba hokahana haholo e le hore ba bonts’e morero oa sethathong oa tlholeho. Ho tloha sethathong ba ne ntse ba le bang, hoo ke hore, sethathong, e ne ntse e le ntho e le ngoe (hobane mosali o tsoa ho monna).
- 1) Ts’ebeliso ea lentsoe “ba tla” mona e supa seo re ka se bitsang ts’ebeletso ea lenyalo. Hoo ke hore, kamano e-ea hahoa. E-ea sebetsoa, ea ntlafatsoa, ebile e-ea phethoa ha nako e ntse e-ea.
 - 2) Taba ea “nama e le ngoe” e bonts’a hore kamano ea lenyalo e tsoala boleng bo le bong. E boetse e supa karolo ea thobalano kamanong ea lenyalo. Ka kakaretso, e supa kamano ea bongoe e tebileng haholo.
 - 3) Lentsoe “bona” le bohlokoa haholo. Leha ba fetoha ntho e le ngoe ka kamano ea bona, ba etsa hoo e le “bona.” Hoo ke hore ba babeli, ba kopantsoe, ba bang, empa ha ba ts’oane, ba ‘moho empa ba boetse ba bo-mong.
 - 4) Hona ho tla ba bohlokoa haholo, ‘me re lokela ho o beha ka kelellong ha re qala ho bua ka likarolo tse lokelang ho bapaloa lenyalong karolong e latelang ea thuto.
4. Qetello ea rona ea Boithuto ba Bibe.
- a. Lenyalo le hlotsoe ke Molimo.
 - b. Ke qaleho kapa motheo oa likamano tsohle tsa botho.

Notes —

LENYALO

Notes —

Ntlha ea Puisano

bolela a mang a mathata a matsatsi a kajeno, a lenyalo, a amanang le phokolo ea kutloisiso linthong tse latelang:

- Mothusi/mots'ehetsi
- Ho siea/ho khomarela
- Ba fetoha nama e le ngoe

B. Morero oa Molimo Bakeng sa Lenyalo.

1. Lenyalo le sebelisoa e le seipone se bonts'ang sets'oants'o sa Molimo. Molimo o Borarong (Gen 1:26), ea sebetsang ka bongoe le khokahano e matla, o etsa motho(eo e leng monna le mosali: Gen 1:27 le 5:1) ka sets'oants'o sa Hae bakeng sa hore a sebetse ka bongoe.
2. Lenyalo le etselitsoe ho atisa moloko oa bomolimo (Gen 1:28; Mal 2:14, 15).
3. Lenyalo le etselitsoe ho ba tsela eo motho a tla okamela lihloliloeng tsohle tseo Molimo a li entseng (Gen 1:28).
4. Lenyalo le etselitsoe hore monna le mosali ba tlatsane (Gen 2:18-24).
5. Lenyalo ke mohlala le sesupo sa kamano ea Krete le Kereke (Bae 5:23-32).
6. Lenyalo le sebelisoa ho se khothaletse boits'oaro bo sa amoheleheng (1 Bakr 7:2, 9).
7. Lenyalo le reretsoe ho khotsofatsa ka botlalo (Lipro 5:19).

LENYALO

Likarolo tsa Lenyalo:

Tlhaloso ea kamano ea lenyalo: le lokela ho hlompua (Bah 13:4).
Ke kamano ea kamehla (Math 19:6).

Kamano ea lenyalo ke sesupo sa: khokahano

ea Molimo le Israele (Esa 54:5).
Khokahano ea Krete le kereke (Bae 5:23-32).

Ts'ebeletso ea Lenyalo: Jesu o ile a ela boleng ba lona hloko
(Johanne 2:1-11). E amahanyoa le thabo (Jer 7:34).

Notes —

III. Lenyalo le Likarolo/Maikarabello Lenyalong.

A. Selelekela.

1. Bohlokoa ba lenyalo. Hore re utloisise likarolo/maikarabello a lenyalo, re lokela ho boela re sheba bohlokoa ba lenyalo.
 - a. Re se re bonts'itse hore lenyalo le hlongoe ke Molimo ka sebele sa Hae (Gen 2:18, 24). Ha se ntho e qapiloeng ke motho.
 - 1) E entsoe hobane e hloka hloka (Gen 2:18, 20).
 - 2) E entsoe e le ntho eo re holang ho eona, ebile re sebetsana le eona letsatsi ka leng (Gen 2:22-24).
 - a) Ts'ebetso le ketsahalo ea tsoellopele e qala ha Molimo ka sebele sa hae a beha banyalani 'moho (tem. 24).
 - b) Maqhama a lelapa la mathomo li fetoloa ke maqhama a lelapa le lecha (ho siea le ho khomarela: tem. 24).
 - c) Ke setlamo sa kamehla (nama e le ngoe: tem. 24).

LENYALO

Notes

b. lenyalo le fana ka tsela ea hore monna a tlale, a felle (boela o shebe maikutlo a rona ka moelelo oa lentsoe “mothusi”).

1) Litaba tse fumanoang ho Bae 5, li bonts’a kamano e otlohileng pakeng tsa Krete le monna, le kereke le mosali.

2) Bala Bae 1:23 o ipapisitse le maikutlo ana.

a) ‘mele ke botlalo ba Krete.

b) Re sebelisa Bae 5, re eleloa hore mosali ke botlalo ba monna. Hoo ke hore, o phetha monna (hlokomela kamoo taba ena e lumellanang le moelelo oa lentsoe “mothusi”).

Ntlha ea Puisano

Ako re arolele mapaki a kamoo lenyalo le tlisitseng botlalo ka teng bakeng sa batho ba nang le malapa.

2. Mona bofokoli bo khahlanong le boleng bo phahameng. Basali ha ba ka tlaase ho banna. Ba lekana le bona.

a. Basali ba lekana le banna ho tloha popong.

1) Molimo o entse monna. Molimo o boetse o entse mosali. Molimo o ba entse bohle ka ho ts’oana.

2) Mosali ha a etsoa ke monna (monna o ne a robetse ha mosali a etsoa). Mosali o entsoe ho tsoa ho monna. O entsoe ke Molimo.

3) Phapano pakeng tsa banna le basali, e amana le tsamaiso ea tlholeho.

LENYALO

- 4) Tekano ea monna le mosali, e thehiloe tabeng ea hore, bobeli ba bona ba na le 'Mopi a le mong.
- a) Monna o ka tlasa Molimo hobane o entsoe ke Molimo.
 - b) Poto e ka tlaase ho 'mopi oa eona kaha 'mopi oa eona a e entse.
 - c) Taba ea hore mosali o ka tlaase ho monna ho tsoaloa ke ho hloka kutloisiso e batsi ea 'Mopi oa mosali. Monna ha a etsa mosali. Monna le mosali ba na le 'Mopi a le mong.

Ntlha ea Puisano

Sebelisa lintlha tse fetileng ho tiisa puisanong hore mosali o lekana le monna ka botlalo popong. Ke lits'ita li fe tse teng moetlong oa heno tse khahlanong le taba ee?

- b. Mosali o lekana le monna nts'etso-peleng ea bophelo ba botho.
- 1) Bala 1 Bakr 11:11, 12.
 - 2) Haeba motho a its'etleha ka botlalo ho motho e mong bakeng sa ho phela, motho eo e mong ha a lokela ho nkoa a fokola ho feta oa pele. Ka bobeli batho bana ba lekana ebile ba a hlokana.
 - a) Monna le mosali ka bobeli ba lekana joalo. Ba hlokana ho tsoelapele ho tsoala mofuta oa bona.
 - b) Basali ba babeli ba ke ke ba khona ho tsoelapele ho atisa mofuta oa bona (ho tsoala batho ba bang). Banna ba babeli ka ho ts'oana ba ke ke ba atisa mofuta oa botho. Ho hloka hloka monna le mosali bakeng sa nts'etsopele ea meloko. Ba hlokana bakeng sa ho phela ha bona, kahoo ba lekana.
 - c) Phapano e pakeng tsa monna le mosali, ha e amane le boleng ba bona, empa e malebana le likarolo tseo ba li bapalang lenyalong.

Notes

LENYALO

Notes

- 3) banna le basali ba lekana le ho ts'oana ka boleng.
 - 4) ba na le phapano maikarabellong a bona. Hore banna le basali ba lekana ha ho bolele hore ba a ts'oana.
- c. Thuto e fosahetseng ea hore “basali ba ka tlaase ho banna” e thehiloe tatellanong e fosahetseng le ho hlokeng kutloisiso.
- 1) Bo-rabbi ba khale ba Baheberu, ba ne ba re basali ba fokola haholo ho banna kaha Eva a entsoe ho tsoa ho Adama. Mofuta o tjena oa maikutlo, o ka etsa hore motho a hlome e ka o fokola ho feta lerole hobane Adama o entsoe ka lerole!
 - 2) Bo-Rabbi ba ne ba boetse ba re, basali ba ka tlasa banna hobane Eva o entsoe Adama a se a entsoe(o entsoe ka mor'a Adama).
 - a) Hoo haeba e le 'nete, na hoo ho bolela hore monna o ka tlase kapa o fokola ho feta liphoofofo tse entsoeng pele ho eena?
 - b) Hantle-ntle, taba ea hore mosali o entsoe ho tsoa ho monna, e tiisa taba ea ho lekana ha bona. Mosali, ho latela Adama, ke lesapo la masapo a hae, le nama ea nama tsa hae. ke ntho e le ngoe, kahoo, ba lekana ka boleng.
 - c) Empa, hoo ha ho hanyetse ntlha ea liphapano tsa bona. Mosali o entsoe ho tsoa ho monna, ebile o entsoe kamor'a hore monna a etsoe. Molimo o na le tsela ea hae ea ho etsa lintho ka tatellano. Kahoo, hona le tsela eo lintho li lokelang ho etsoa ka eona kahar'a kamano ea monna le mosali. Hona ke motheo oa “maikarabello” a lenyalo

Ntlha ea Puisano

Na moetlo kapa thuto ea tumelo ea hao e u rutila hore mosali o ka tlasa monna, ebile o fokola ho feta monna? Haeba ho joalo, na u ikemiselitse ho hlaola le ho fetola tsela ee ea ho nahana? U ka qala ka kerekeng. Bua ka taba ena.

LENYALO

d. Jesu o ile a ba khahlanong le thuto ena nakong ea Hae, empa o ne a ke ke a ba karolo kapa akhente ea lekhotla le thehiloeng matsatsing ana, la tokollo ea basali, e leng ntho e tummeng haholo kahar'a lichaba tsa karolo e bochabela ea lefats'e.

- 1) Jesu o ile a khalema le ho hlaola litsela tsa Bafarisi tse neng li hlahisoa ke ho nyenyefatsa le ho nena basali (bala Math 5:28).
- 2) O ne a etsa hona ka kaha banna le basali, ka bobeli, ba na le boikarabello le seabo ka ho lekana sebeng.
- 3) Leha ho le joalo, Jesu ha a ka ba fetoha akhente ea "lekhotla la tokollo ea basali" tje kaha e le ntho e nketsoeng holimo haholo lichabeng tsa karolo ea Bophirimela ea lefats'e.
- 4) O ne a utloisisa hore leha monna le mosali ba lekana, ba fapane.
 - a) Lekhotla la matsatsing ana la tokollo ea basali, 'nete ke hore ha le akofise tokoloho, empa le le khahlanong le eona. Hore mosali a lokolohe, o lokela ho lokoloha e le mosali. Empa ho lokoloha bosaling(boleng) ha se tokoloho ho hang.
 - b) Lekhotla la tokoloho ea basali, ha le batle hore basali ba be tekanong le banna. Empa le batla hore banna le basali ba ts'oane, e leng se ke keng sa etsahala.
 - c) Banna le basali ba lekana. Empa ha ba ts'oane. Empa ntho ena le ha e hlakile hakana, lefats'e le tletseng ka ts'ilafalo le sebe, ha le e bone (bala Bar 1:18-32).

Ntlha ea Puisano

Ke ka litsela li fe lekhotla la tokoloho ea basali le hlomang e ka le thusitse le hona ho lematsa boikarabello ba matsatsi aa ba basali.

Notes

LENYALO

Notes —

- 5) Basali ba lekana le banna ho Krete.
- 6) Ke botho bo oeleng, botho bo phelang sebeng bo entseng hore e ke basali ba tlaase ebile ba fokola ho banna. Empa ho tloha ho qaleng ha tlholeho, ho ne ho se joalo.
 - a) Topollo ka Krete e khutliselitse botho moralong oa pele oa Molimo. Tokoloho ea batho e fumanoa morerong oa mantlha oa Molimo. Kahoo, taba ea 'nete ke hore, Krete ke eena ea lokollang basali.
 - b) O lokolla kelello ea monna hore a utloisise tekano ea banna le ea basali leha ba ntse ba tsoelapele ba sebetsa ka liphapano tsa bona e le banna le basali.
- e. Re bone hore phapano pakeng tsa basali le banna ha e bolenng ba bona (boleng ba banna le basali bo ho Krete). Empa phapano ea basali le banna e fumaneha taolong/tsamaisong le tatellanong ea tlholeho e entsoeng ke Molimo tlholehong.

Ntlha ea Puisano

Sebelisa Mangolo ana ho bonts'a kamoo Bibe e rutang ka tekano ea banna le basali: Gen 5:1, 2; Gen 1:27; Gal 3:28; Bae 5:28; le 1 Petr 3:7.

B. Tsamaiso le tatellano ea Molimo ea Tlholeho.

1. E, monna le mosali ba lekana ka boleng. Empa re lokela ho ipotsa: empa ba amana joang?
 - a. Lelapa ke karolo ea mantlha ea tikoloho le phelisano.
 - b. Tsamaisong le tatellanong ea litho tsa lelapa, mosali o lokela ho ikokobeletsa monna, joalokaha banna ba lokela ho ikokobeletsa batsoali. Hona le tsela e tlotsitsoeng ke Molimo ea tsamaiso le taolo ea lelapa.
 - 1) Re lokela ho pheta hore, monna, mosali le bana ba lekana ka boleng ba bona ba botho. Kaofela ke batho.
 - 2) Empa ba **fapane** ka tsela eo ba sebetsang le ho jara maikarabello ka har'a lelapa (Boikarabello kapa karolo e lokelang ho bapaloa ka lapeng).

LENYALO

- c. Tsamaisong ea Boraro bo Halalelang, Ntate o na le boholo bo itseng ho Mora le Moea, leha bohle e le Molimo o lekanang, o mong. Hona ke hore, ba lekana ka boleng empa ba fapane ka ts'ebetso kapa boikarabello. Joalaka lapeng, Boraro bo Halalelang, bo kenyeletsa tsamaiso le taolo ea tlotso ea Molimo.

Notes —

Ntlha ea Puisano

Sebelisa sets'oants'o sena ho bua ka tsamaiso ea tlholeho.
Bala 1 Bakr 11:3, malebana le tsamaiso ea tlholeho le sets'oants'o se ka tlaase.

Tekano ka: Boleng	Phapano ka: Ts'ebetso/Boikarabello/Tatellano ea Kamano
Monna = Mosali = Ngoana	<div> <div> Monna Mosali Ngoana </div> <div> 1 Bakr 11:3 Bae 6:1 </div> <div> } tatellano le ts'ebetso </div> </div>
Ntate = Mora = Moea	<div> <div> Ntate Mora Moea o Halalelang </div> <div> Johan 3:16 Lik 13:33 Johan 15:26 Johan 16:14 </div> <div> } tatellano le ts'ebetso </div> </div>

2. Re bolelang ha re sebelisa lentsoe tlhahlamano?
- Tlhahlamano ha e bue ka seo banna le basali ba leng sona (boleng). E bua ka tatellano ea boikarabello boo e mong le e mong a bo nkang ho ea ka taolo le tsamaiso e entsoeng ke Molimo.
 - Tlhahlamano ha e bue ka hore na mang o phahame ho feta mang, ke mang ea fokolang (ha e supe hore na ke mang ea kaholimo, ke mang ea katlaase ho e mong), hobane ke tlhahlamano ea ts'ebetso. Ha se tlhahlamano kapa tatellano ea matla kapa boleng.
 - Tlhahlamano ke tatellano ea boikarabello le tsamaiso e ileng ea etsoa tlholehong.

LENYALO

Notes —

Beha mohlala oa hau

3. Bala Bae 5:22-24.

- a. Paulosi o re monna ke hlooho ea mosali. Ha a re monna o phahametse kapa o kaholimo ho mosali.
 - 1) Monna ke hlooho ho ea ka ts'ebetso le boemo ba kamano.
 - 2) Ha a ka holimo ka boleng le matla.
- b. Ho Bae 5 Paulosi o bua ka mesebetsi/maikarabello a mabeli a fapaneng a batho ba lekanang.
 - 1) Hona ke hore, maikarabello a monna le mosali a fapane, empa ha a fetane, ha hona boikarabello bo betere ho feta bo bong. Hore e be ba na le phapano, ebile ba na le maikarabello a fapaneng ho ea ka tlhahlamanyo ea Molimo, hoo **ha ho** bolele hore ha ba lekane.
 - 2) Hape, lebaka le leng le hlahisang sena ke hore, banna le basali ba a lekana, feela ka nako e ts'oanang, ba fapane.
 - a) Hore e mong o tlaase ho e mong, ke phoso e hlhisoang ke banna ba tletseng ka boikhohomoso le pelo ea bohatelli.
 - b) Hore e mong o lokela ho ts'oana le e mong, ke phoso ea mosali ea se nang kutlo, a bileng a ferekaneng (hona ke ntho e tloaelehileng haholo lekhotleng la tokoloho ea basali lichabeng tsa bophirimela tsa lefats'e).

LENYALO

Beha mohlala oa hau

Notes

4. Boikhopotso ba Gen 2:18-24.

- a. Re se re ithutile ka serapa sena sa Bibe le ho bona tekano ea monna le mosali. Hajoale re lokela ho bona kamoo monna le mosali ba fapaneng ka teng.
- b. Tlhahlamano ea maikarabello e hlalositsoeng pejana, ha se setlamorao sa ho oela ha motho sebeng. Ke tholoana ea ho khetha ha Molimo le tlhophiso ea hae ho tloha tlholehong ea lintho tsohle (bala 1 Tim 2:13).
 - 1) Mosali o entsoe ho tsoa ho monna.
 - 2) Mosali o etselitsoe monna.
 - 3) Mosali o fuoe monna.
 - 4) Mosali o reheletsoe ka monna.

LENYALO

Notes

5. Tse qetellang.

- a. Topollo ea lenyalo ha e hanane le maikarabello le mesebetsi e fapaneng ea monna le mosali. Empa e boetse e matlafatsa maikarabello hape, kamor'a hore li sengoe ho oeng ha motho ts'imolohong.
 - 1) Ha maikarabello le mesebetsi li ntlafetse, lenyalo lea ntlafala. Ntle le kutloisiso e nepahetseng le ts'ebeliso ea maikarabello le mesebetsi ena, lelapa le tla ba le bothata. Le tla fokolloa ke tsamaiso le bongoe.
 - 2) E, ho lokela ho be le tsamaiso e ntle kahar'a lelapa. Hona le motho ea lokelang ho etellapele. Boikarabello bona ba boetapele ka kotloloho bo fuoe monna le ntate. Tsamaiso le taolo ea hae e lokela ho amoheloa.
- b. Tlhoko ena ea tsamaiso ea hlokahala likopanong tsohle. Sheba mohlala oa kereke ea lehae.
 - 1) Hona le tlhahlamano ea bosebeletsi kahar'a kereke ea lehae.
 - a) Setho sa kereke se hloka ho ikokobeletsa moruti (bala 1 Bakr 16:16; 1 Bathes 5:12, 13; Bah 13:7).
 - b) Ka tsela e ts'oanang, moruti kapa moetapele o lokela ho sebeletsa litho tsa kereke ka boitelo le ka matla a maholo (bala 1 Bakr 16:15, 16).
 - 2) Ho na le tlhahlamano ea boikarabello kahar'a lelapa.
 - a) Mosali o lokela ho ikokobeletsa monna (Bae 5:21, 22). Taba e hlollang ke hore, lentsoe le ts'oanang la Segerike (upotaso) le a sebelisoa ho 1 Bakr 16:16 ho hlalosa boikokobetso ba setho sa kereke ho moetapele, joalokaha le sebelisitsoe ho Bae 5:21, 22 ho hlalosa boikokobetso ba mosali ho monna.
 - b) Ka tsela e ts'oanang, monna o tlameha ho sebeletsa, ho rata, le ho itella mosali oa hae ka matla a maholo (Bae 5:25).
 - 3) Mofuta o fe kapa o fe oa kopano le khokahano, o lokela ho hlompha tlhahlamano ena ea maemp bakeng sa hore kamano e phele le ho sebetsa hantle.

LENYALO

- 4) Moetapele oa kereke le setho sa kereke, ba fapane ka ts'ebetso le maikarabello kerekeng. Leha ho le joalo, boleng ba bona boa lekana ho Krete.
- 5) Monna le mosali ba fapane ka ts'ebetso le maikarabello ka har'a lelapa. Leha ho le joalo, boleng ba bona boa lekana ho Krete
 - a) Monna le mosali ba lokela ho utloisisa tekano ea bona.
 - b) Ba lokela ho utloisisa hore ba fapane, 'me bobeli ba lokela ho ikokobeletsa Krete ka ho mosebeletsa ho ea ka maikarabello ao Molimo a ba fileng oona sethathong.

Notes —

Beha mohlala oa hau

Ntlha ea Puisano

Sebelisa ntlha e fetileng ho akofisa puisano le ho arabela lipotso.

LENYALO

Notes —

C. Maikarabello a Lenyalo ke a fe?

1. Maikutlo a Nepahetseng.

- a. Litaello tsa ho tlala ka Moea le ho ikokobetsa e mong ho e mong ka baka la Krete (Bae 5:18, 21) li sebetsa e le tlhaloso ea Paulosi ea maikarabello a lenyalo ho Bae 5:22-33.
- b. Selelekela sena se tsepama haholo tabeng ea hore na ke mang ea ka tlaase ho Krete, e seng hore na mang o ka holima mang.
 - 1) Taba ea bohlokoa ke hore, monna le mosali ba tlampha ho atamelana le ho amana ho ea ka takatso ea Krete.
 - 2) Ba lokela ho latela le ho sebetsa ka mekhoha ea hae ea ts'ebetso. Banyalani ba lokela ho ba le kutlo ho Krete ho phetheng maikarabello a bona.
 - a) Monna ea sa sebeletseng, ea sa etelleng-pele, ea sa rateng, le ho itella mosali oa hae ha a hlomphe Krete.
 - b) Mosali ea sa ikokobetseng le ho hlompha monna oa hae, ha a hlomphe Krete.
- c. Haeba re sa inehela, re sa ikokobetse, re se na kutlo ho Krete, re tla qala ho tsepamisa maikutlo tabeng ea hore na molekane o fela a phetha maikarabello a hae.(hona ha ho hloka hahle).
 - 1) Re tla qala ho etsa hore boikarabello ba rona bo its'etlehe ka botlallo ba boikarabello ba e mong
 - 2) Re tla qala ho beha maikutlo “litokelong” tsa rona manyalong a rona, ho ena le maikarabello a rona lenyalong.
 - 3) Hona ho hlahisa ho icheba bo-rona, le ho ba le lerato le ikaketsang.
 - 4) Lenyalong le matlafetseng, monna le mosali ba khothalla ho sebetsa ho latela maikarabello a bona. Empa e seng ka hore na boikarabello bo betere ke bo fe.
 - 5) Ho feta lintho tsohle, ba khothatsoa ke thahasello ea bona ea ho khahlisa le ho etsa thato ea Krete.

LENYALO

2. Boikarabello kapa karalo ea mosali ke ho **ikokobetsa kapa ho hlompha**.

Notes —

- a. Bohlokoa ba ho ikokobetsa le tlhompho ea mosali.
 - 1) O lokela ho ithuta ka boikokobetso (1 Tim 2:11).
 - 2) O lokela ho ruta ka boikokobetso le ka tlhompho (Titus 2:5).
 - 3) O lokela ho evangela ka boikokobetso le ka tlhompho (1 Petr 3:1).
- b. Seo boikokobetso kapa tlhompho e seng sona.
 - 1) Boikokobetso ha se ‘khatello.’
 - 2) Ho loba tlhaloso ena ea ‘boikokobetso’, ke sehlahisoa sa ho oa ha motho serapeng.

Boithuto ba Sengoli ba Bibe:

Boithuto ba Gen 3:16 le Gen 4:7.

Ho boleloang ka lentsoe “takatso?” (tlhokomeliso: lentsoe la Seheberu le hlalolang “takatso” ke “teshuka,” ‘me litemaneng tsena, ke tsona feela tseo lentsoe lena le sebelisitsoeng.)

Pele, re bona ho 4:7 hore ha se “takatso” e nepahetseng. Botoloki bo hokahanyang “takatso” e ho 3:16 le takatso ea mosali bakeng sa monna oa hae, e ka ‘na ba ke eona tholoana ea monahano oa takatso (lehlakoreng la banna) le boithuto bo fokolang ba Bibe.

‘Nete ke hore, lentsoe “takatso”, ke ntho “e seng ntle”. Ho 4:7, le sebelisoa ho supa “takatso” ea sebe ea ho laola. Ho 3:16, re ka etsa qeto ea hore “takatso” ea mosali, ha se e ntle (hopola, hona ke karolo ea kotlo kapa thohako ea ho oela sebeng). Mosali o ile a senya moelelo oa boikarabello ba hae ba **tlholeho** serapeng ha a ne a nka boemo ba boetapele malebana le sefate se hanetsoeng. kahoo, mosali kajeno o otloa ka baka la ho lakatsa ho laola le ho tsamaisa monna.

LENYALO

Notes —

Boithuto ba Sengoli ba Bibe:

Botoloki ba Gen 3:16 le Gen 4:17

Taba ea bobeli, joalokaha Morena a bolella Kaine ho 4:7, ho hanela sebe, o bolella monna ka tsela e joalo ho laola mosali ho 3:16. Ka baka la sebe, boikokobetso le tlhompho, e fetoleloa taolong ea khatello. (hopola: hona ke litla-morao tsa ho oela ha motho sebeng, empa motho ea oele o lopolloa ke Krete).

Litla-morao le ts'enyō ea ho oela sebeng e hlakile. Hona e ne e se morero oa Molimo. (hopola: ka topollo, thohako ena e ka hlakoloa).

Ho oela sebeng ho thunthelitse le ho ama tlhompho le ho ikokobetsa ha mosali, ho entse hore takatso ea mosali e be monna ho ena le ho ikokobetsa.

Ho boetse ho thunthelitse le ho senya lerato la bohlooho ba monna, hona ho fetola monna hore a laole ka khatello le ka setlamo.

Haeba re tsoelapele ka ho bapisa litemana tsa 3:16 le 4:7, hoo ho etsa hore re re, haeba monna a etsa “hantle” (hoo ke hore, haeba a rata mosali oa hae joalokaha Krete a rata kereke), mosali a ke ke a leka ho molaola.

Taba ena kea bohlokoa-hlokoa tabeng ea boithuto ba rona ka likamano tsa lanyalo. Likamano tsa lenyalo li lokela ho ba bonolo. Empa sebe se li etsa hore li be thata. Haeba monna a ka rata mosali oa hae ka tsela eo a lokela ho morata ka eona, hoo ho tla etsa hore mosali le eena a atamele monna le ho arabela lerato la monna ka ho mohlompha le ho ikokobetsa ka tsela e bonolo. Ka mokhoa o ts'oanang, ha mosali a hlompha le ho ikokobeletsa monna oa hae tje ka ha ho hlokahala, monna o tla arabela hoo ka ho rata mosali oa hae.

LENYALO

- 3) Kotlo e etsa hore bophelo bo se be bobebe. E re susumetsa ho tsamaea khahlanong le matla a metso a noka kapa re tsamae kahar'a moru o se nang tsela. Kotlo e hanela hore lintho li etsahale ha bonolo, ka bolokolohi.
- a) Ka baka lena, Molimo ha a re ahlole ho hang. Ke rona ba ikahlolang ka ho se be le kutlo, 'me kahoo, re itlisetsa litlamorao tse bohloko ka bo-rona (bala Johan 3:18, 19).
- b) Hona ke 'nete. Sebe se tliša kahlolo, e se hobane Molimo a re ahlola ka bo-eena (leha empa a re khalema: Bah 12:4-11), empa 'nete ke hore ha re sa etse thato ea Molimo, hoo ke ho tsamaea khahlanong le tlholeho, kahoo lintho ha li be bonolo. Kahoo u itlisetsa kotlo ka ho etsa ntho e mpe (ntho e sa amoheleheng)(bala Bar 6:23; Johan 3:18, 19).

Notes —

Mohlala oa Sengoli:

Papiso ea #1: ha o kokotela sepekere, eba u beha monoana holima hlooho ea sepekere, u tla utloa bohloko ha o ikotlella. "Kahlolo" ena ha e tsoe ho Molimo eo ka nako, ke putso ea phoso ea hau. Ke sehlahisoa sa ho etsa ntho ka tsela e fosahetseng.

Beha Mohlala oa hau

LENYALO

Notes —

Mohlala oa Sengoli:

Papiso ea #2: haeba o bapala bolo ea maoto, eba u leka ho kora, joale e be u matha ho feta bolo, le ho tsoelipana mahareng a lithibeli, moletsa-phala o tla re u “ofosaete.” O thibelo a ke moletsa-phala hoba u tla bo entse ntho e sa nepahalang. Moletsa-phala ha a u ahlole. O ikahlotse.

Beha Mohlala oa Hau:

Mohlala oa Sengoli:

Papiso ea #3: lefu le bolaeang la AIDS, ha se kahlolo ea Molimo ho baetsalibe, ke setla-morao sa ho etsa lintho khahlanong le tsamaiso le tlholeho ea Molimo. Molimo ha se eena ea ahlolang bophelo ba motho ea phetseng bohlasoa thobalanong. Motho o itlisetsa kahlolo ka bo-eena ka ho tsamaea khahlanong le taolo ea Molimo. Hantle-ntle, ke rona ba itlisetsang kahlolo (bala Johan 3:18, 19; 1 Bakr 11:31; Math 7:1, 2).

Beha Mohlala oa hau

LENYALO

c. Hantle Bible e bolelang ka boikokobetso?

1) Ke **boits'etleho bo feletseng**.

- a) Ho Bae 5:21-24 Paulosi o sebelisa taba ea 'mele oa Krete (eo a seng a e hlalositse ho Bae 1:22, 23; 4:15, 16) ho hlalosa taba ea maikarabello a lenyalo.
- b) Ho a hlolla ho bona hore temaneng ea 4:16, Paulosi o sebelisa lentsoe la Segerike "epichoragia" (le bolela "ho hlahisetsa/ho tlisetsa/ho fumants'a") ho bonts'a hore 'mele o amohela ntlafalo, phepo, bophelo le tataiso ho tsoa ho hlooho. Lentsoe lona lena, le ne le sebelisoa ka nako eo ho bonts'a tlameho ea monna ea ho arabela le ho fumanela mosali oa hae litlhoko tsa mantlha.
- c) Ha re sheba papiso ea 'mele oa Krete, eo Paulosi a e sebelisitseng ho hlalosa boikarabello ba boikokobetso ba basali ho Bae 5, re ka etsa khokahanyo le Bae 4:16. Karolo ea bohlokoa ea boikokobetso ke ho amohela le ho ananela maikutlo a ho its'etleha ka botlalo.
- d) Mosali ea its'etlehang ka botlalo ka monna oa hae o lumellana le tlholeho, le taolo ea Molimo. Ho Gen 2, re bone kamoo popo ea mosali ea its'etlehileng, e amanang le popo ea monna ka teng.

Beha mohlala oa hau

Ntlha ea Puisano

Bua ka Boikokobetso boo Bible e buang ka bona o ipapisitse le bophelo ba matsatsi a kajeno le khatello le peteletso ea basali ea ho hiroa kantle ho lehae (haholo lichabeng tsa bophiremela tsa lefats'e).

Notes

LENYALO

Notes

2) E bolela **ho ikokobetsa**.

- a) Ts'ebeliso ea polelo ena “mele oa Krete”, e supa ho ikokobetsa tlasa hlooho.
- b) Ho ikokobetsa ho kenyeletsa ho rata Hlooho le ho beha litholoana bakeng sa Hae (ho evangela, bopaki bo botle, seriti se setle, jj).
- c) Re boetse re bona liketso tsa mofuta oona mosaling ea hlomphang eo ho buuoang ka eena ho Tite 2:4, 5.
 - (1) O rata monna oa hae (tem. 4).
 - (2) O hloekile, o khabane (tem. 5: o bonts'a seriti se setle bakeng sa monna oa hae.)
 - (3) O sebetsa lapeng la hae (tem. 5: o beha litholoana tse ntle bakeng sa hae).
- d) Re boetse re bona liketso tsa mofuta o ts'oanang ho Liproverbia 31. O beha litholoana, ebile o tlisa tlhompheho le seriti ho monna oa hae (bala lit. 11, 12, 15, 18, 23).

Beha Mohlala oa Hau

Ntlha ea Puisano

Sebelisa lintlha tse fetileng ho bua ka ho ikokobetsa hoo Bibe e buang ka hona.

LENYALO

3) Ke **tlhompho** le **tlotlo** ho monna oa hau.

- a) Bala Bae 5:33.
- b) Karolo ea bohlokoa ea boikokobetso ke ho bonts'a tlhompho.
- c) Nakong ea Paulosi, hona ho ne ho lebeletsoe ho basali e le taolo ea molao. Boikokobetso ba basali ba Bakreste, bo lokela ho ba kaholimo haholo ho sena. Bo lokela ho ba bannete, ebile bo lokela ho hlahisoa ke ts'abo (tlhompho) bakeng sa Krete le tsamaiso ea Lintho.
- d) Ho ea ka Bibe, boikokobetso ba Bokreste, ka kakaretso, ke ho "ikokobetsa e mong ho e mong ka baka la Krete" (Bae 5:21).

Notes —

Beha Mohlala oa hao

Ntlha ea Puisano

Ho etsahalang ho monna ea tsebang hore mosali oa hae ha mohlomphe? O etsang ha mosali oa hae a sa mohlomphe le moo batho ba leng teng?

LENYALO

Notes —

d. Qetello tabeng ea Boikokobetso.

- 1) Mosali o lokela ho utloisisa boikokobetso e le taelo ea Molimo. O lokela ho bona hoo e le tsela ea ho fumana le ho fihlella boemo ba hae boo Molimo a moetselitseng bona.
 - a) Kahoo, boikokobetso ba hae bo tlameha ho thehoa bolokolohing le leratong, empa e seng setlamong le ts'abong kapa thothometsong.
 - b) 'Nete ke hore, kereke ha e tlangoe kapa hona ho hatelloa ho ikokobetsa. O ikokobetsa ka boikhethelo le ka baka la cheseho ea ho khahlisa hlooho.
 - c) Taba e ngoe ke hore, se lokelang ho etsa hore mosali a ikokobeletse monna oa hae, ke ts'abo ea Molimo (Bae 5:21). Hona ke hore, o lokela ho ikokobetsa hobane a chesehella thato ea Molimo.
- 2) Mosali o lokela ho utloisisa le ho ananela hore boikokobetso ba hae ho monna, ha bo ipapise le thahasello ea monna ea ho phetha boikarabello ba hae.
 - a) Se mosusumetsang ho ikokobetsa se lokela ho hloeka. Hona ke hore, maikutlo a hae a ho ikokobetsa, a lokela ho ipapisa le cheseho ea hae ea ho khahlisa Krete. Mahlo a hae a lokela ho ba ho Krete e seng ho monna oa hae.
 - b) Haeba mahlo a hae a le ho monna hae, o tla fosa kaha monna a tla fosa le eena. Boikokobetso ba hae ha boa lokela ho its'etleha ka liketso tsa monna oa hae.
 - c) Haeba mahlo a hae a le ho Krete, a ke ke a fosa kaha Krete ha a fose. Boikokobetso ba hae bo lokela ho se shebe boemo.
 - (1) Bo lokela ho fehloa ke cheseho ea ho sebetsa ka ho latela taolo ea Molimo.
 - (2) Bo lokela ho fehloa ke cheseho ea ho loka (ho ba pel'a Molimo).

LENYALO

3) mona re ka hloma molao oa mantlha bakeng sa lenyalo le letle. Monna le mosali ba lokela ho tsepamisa mahlo maikarabellong a bona e se ho shebana le ho latella maikarabello a motho e mong (Math 7:3-5).

Notes —

a) Haeba ntlha ena e sebelisoa, taba e hlollang ke hore, e lokisa lenyalo le sa sebetseng hantle..

(1) Boikokobetso ba mosali, bo khothatsa le ho susmeletsa monna ho rata le ho tataisa mosali oa hae.

(2) Lerato le tataiso ea monna, e khothatsa le ho susumeletsa mosali ho hlompha le ho ikokobeletsa monna oa hae.

b) Lenyalo le sa tsitsang, le sa matlafalang, ke sehlahisoa sa monna kapa mosali ea tsepamisitseng maikutlo maikarabellong a e mong ho ena le ho shebana le maikarabello ao e leng a hae, e seng a e mong.

(1) Ha hona ho etsahala, monna o tla leka ho tlama le ho hatella mosali ho phetha boikarabello ba hae ba boikokobetso, le mosali o tla leka ho **qhekanyetsa** monna hore a phethe boikarabello ba hae e le hlooho.

(2) Hona ho re hopotsa kamoo ho oa ha monna ho sentseng le ho fetola maikarabello a lenyalo (boela o shebe Gen 3:16 le 4:7).

(3) Monna oa **hatella** (busa ka bokhopo).

(4) Mosali oa **qhekella** (takatso ea hae ke ho laola).

LENYALO

Notes

Maikutlo a Sengoli:

Lerato la 'nete la Bokreste khahlanong le Lerato la bohata, le se nang metso

Ha re ke re shebeng liphapano pakeng tsa lerato la botho, le se nang metso (le bitsoa lerato la “50/50”), le lerato la ‘nete la Bokreste, le tebileng, le se nang boiketsiso, kapa lerato la agape (le bitsoa lerato la “100/100”).

Lerato la botho, le se nang metso (“50/50”), ke mofuta oa lerato le ichebang bo-lona feela. Motho ka mong lenyalong, o fana ka halofo feela ea boleng ba hae, kapa a sebeletse 50% feela lenyalong la hae. motho ka mong o fana a na le tebello ea hore, motho e mong le eena o lokela ho fana ka karolo e lekanang. Ntho ena ke sebopeho sa boichebo le boikhabo.

Jesu o ile a supa lerato la mofuta oona le na le boikaketsi Math 5:46-48.

Lerato la ‘nete la Bokreste, le bitsoa “agape” e leng lerato le se nang moeli, le se nang lipehelo, le sa shebeng boemo (“100/100”). Lerato lena, le itolobeletsa katleho ea motho e mong, ha le tsotelle tsa lona. Motho ka mong eo e leng karolo ea kamano, o fana ka bo-eena kaofela, kapa o fana ka 100% lenyalong la hae. motho ka mong o labalabela ho thusa molekane oa hae a se na tebello ea ho fumana letho le tlang ho eena, leha phano ea mofuta o fe le o fe e tsoa ho bona, ebile e ba tahlehelo e kholo.

Paulosi o ile a hlalosa lerato lena ho 1 Bakr 13: 5 ha a ne a re “ha le ipatlele tsa lona.”

Lenyalo la Bokreste le lokela ho tlala ka lerato la “agape”, le sebelise “100/100”. Ka bobeli, monna le mosali ba tlameha ho phetha maikarabello a bona ba sa tsotelle kapa ho lebella letho le khutlelang ho bona. Maikutlo a bona a lokela ho hloeka. Maikutlo le merero e hloekileng ke sehlahisoa sa ho matlafatsoa le ho susumetsoa ke Krete feela.

LENYALO

3. boikarabello ba monna ke ho ba **hlooho**.

Notes —

a. Moelelo oa hlooho.

- 1) Lentsoe la Segerike le hlalosang “hlooho” ke “kefalay.” Le supa motho oa boemo le boikarabello bo phahameng.
- 2) Hlooho e supa lintlha tsa mathomo tse peli:
tsamaiso/matla/taolo le tataiso.

b. Tsamaiso/taolo.

- 1) Matla a botsamaisi ha se tholoana ea khatello. Ke tholoana ea bosebeletsi (Math 23:11).
 - a) Ha monna a bona botsamaisi ba hae e le “tokelo” ea hae, o tla e batla ka likhoka. O tla sebelisa khatello e seng bosebeletsi. Hona ho tla etsa lenyalo le sa matlafalang.
 - b) Ha monna a sheba botsamaisi ba hae e le boikarabello ba hae, o tla bo sebeletsa. O tla sebeletsa ho ena le ho hatella. Hona ho tla etsa lenyalo le matlafatseng.
- 2) Botsamaisi ha se sehlahisoa sa ho oa. Ke sehlahisoa sa popo le tlholeho ho tloha sethathong.
 - a) Re lokela hore monna o amohetse boikarabello ba ho ba hlooho serapeng sa Edene.
 - (1) Adama o ile a fuoa matla a ho reha liphoofole mabitso (Gen 2:19).
 - (2) O bile a reha le mosali oa hae lebitso (Gen 3:20).
 - b) Lenyalong le lopolotsoeng la Abrahama le Sara, Abrahama o ile a sebelisa boikarabello ba boitsamaisi. Temaneng e buang ka boikokobetso ba basali, re bona hore Sara o ne a bitsa Abrahama “Mongak’a” (bala 1 Petr 3:1-6).

LENYALO

Notes —

Beha mohlala oa hao

c. Tataiso.

- 1) Taba ea tataiso bohloohong ba monna e kenyeletsa lintlha tsa boetapele le ho nka likhato.
 - a) Hape, re lokela ho tiisa hore boetapele ke sehlahisoa sa bosebeletsi (bala Luk 22:26). Monna ha se moetapele oa lelapa, ho fihlela e ba mosebeletsi oa lelapa la hae.
 - b) Ka Bibeleng, boetapele le ho nka likhato tsa pele, li bonoa e le likarolo tsa boikarabello ba monna.
 - c) Ho Gen 3:20, monna ke eena ea nkang khato ea ho reha mosali lebitso. Ba hanang thuto ea Bibe le ea hore monna ke hlooho, ke ba ka etsang khang ea hore Adama o ne a lokela ho atamela Eva ho mokopa ho etsa qeto le eena.
 - d) Ho Gen 3:17, ho hlakile hore monna o lokela ho etella mosali pele, a be a fane ka tataiso ho mosali oa hae. phoso ea monna, ho ea ka Molimo, ke hore ho ena le hore monna a tataise mosali oa hae, o lumeletse mosali ho moetella pele.
 - e) Hopola, tlolo ea motho le ho oa ha hae ts'imolohong, e nkoa e le ntho e kholo ho feta tabanyana feela ea ho ja sefate se hanetsoeng. Metheo ea ho oa ha motho, ke ea borabele le ho se mamele taelo. Monna o ne a lokela ho etellapele. Ha a ka ba a etsa joalo. Mosali ke eena ea ileng a etellapele. Ba ile ba hana, ba furalla le ho ba khahlanong le tlholeho ea Molimo le tsamaiso ea Hae.

LENYALO

2) Ketso ea boetapele le ho nka likhato, e ba ke ketso e tsamaisoang ka tsela ea Molimo, ha ea tlameha ho tlamelloa le ho hatella basali. Empa, e etsoa le ho tiisoa ka lerato.

a) Paulosi o tiisa phapano ena ho Bak 3:18, 19. O re banna ba lokela ho rata basali ba bona, ba se ke ba bahalefela.

b) Monna ea halefelang mosali oa hae, a ka 'na a hatella mosali oa hae. A ka 'na a hloka mamello haeba mosali oa hae a fokolloa ke mekhoha ea ho araba, 'me a ka 'na a leka ho motlamella ho ikokobetsa.

(1) Boetapele bo lekang ho tlamella motho ho bo latela, ha se boetapele boo Bibe e buang ka bona.

(2) Boetapele bona bo ts'oauoa le bonoa ka moetapele ea lulang a utloetse eo a moetelletseng-pele bohloko, 'me moetapele eo o lula a shebile liphoso tsa motho eo.

c) Monna a ratang mosali oa hae, o na le mamello, 'me ha a hobose mosali oa hae. Boetapele le likhato tsa hae li ananeloa ke mosali ka boikokobetso.

Beha mohlala oa hao

Ntlha ea Puisano

Sebelisa lintlha tseo re li ts'ohlileng ho akofisa puisano ka boetapele ba Bibe. Araba lipotso tsohle tse ka hlahang.

Notes —

LENYALO

Notes

d. Khato ea mantlha ea boetapele ke lerato.

- 1) “Ratang basali ba lona” (Bae 5:25) ke se tlamehang ho etsoa ke banna “ikokobeletseng banna ba lona” (Bae 5:22) ke bakeng sa basali.
 - a) Krete le lerato la hae bakeng sa Kereke ea Hae, ke mohlala oa monna.
 - (1) Ke lerato le se nang lipehelo, le sa shebeng maemo
 - (2) Ke lerato le se nang moeli.
 - b) Lerato lena le lokela ho matlafatsoa le ho susumetsoa ke kutloisiso e tebileng ea bohlokoa ba mosali. Hona ho ts’oana le kutloisiso ea Krete ea bohlokoa ba Kereke. E tliša thahasello ea ho iphana bakeng sa e mong (Bae 5:25).
 - c) Lerato lena le lokela ho ints’a sehlabelo. Le tlameha ho ea sefapanong.
 - d) Lerato lena e lokela ho ba lerato le tletseng ka khauho le kutloelo-bohloko. Le lokela ho ikemisetsa ho hlomoha le ho ts’oenyeha le mosali ho moutloisisa le ho moela-hloko.
 - (1) Le lokela ho khothaletsa le ho susumetsa monna “ho tsamaea lieteng tsa mosali oa hae.”
 - (2) Le tlameha ho mosusumetsa ho rata mosali oa hae joalokaha monna a ithata (Bae 5:28).
- 2) Bible e re, “Me a e teletse bophelo ba Hae” (Bae 5:25).
 - a) Hona ke khubu ea lerato la “agape”.
 - (1) Krete o rekile Kereke ka ho fana ka bophelo ba hae.
 - (2) Adama o ile a fumana Eva ka ho fana ka eena (khopo ea hae).
 - (3) Monna o amohela mosali ka ho iphana bakeng sa mosali.
 - b) Kahoo, monna ha a “inkele” mosali, o iphana bakeng sa mosali.

LENYALO

Beha mohlala oa hau

Notes —

Ntlha ea Puisano

Sebelisa lintlha tseo re seng re li ts’ohlile ho akofisa puisano ka lerato la “agape”. Araba lipotso tse ka hlahang.

- c. Katamelo ea mantlha ea bohlooho ke **mamello le kutloisiso**.
- 1) Monna o lokela ho phela le mosali oa hae ka tsela e nang le kutloisiso (bala 1 Petr 3:7).
 - a) O lokela ho utloisisa hore mosali ke **mojalefa ‘moho le eena**, ‘me ba a lekana ka boleng ho Krete.
 - b) O lokela ho boela a utloisise hore ke pitsana e fokolang. O ka tlaase ho eena ka tlhahlamano ea maikarabello.
 - 2) Monna o tlameha ho arabela mosali oa hae ka tsela e nang le kutloisiso. Hona ke hore, monna o lokela ho nka likhato le ho moetellapele a tseba hore ha se thato ea Molimo hore mosali a etelle monna pele.
 - 3) Hona ke oona moelelo oa “hore lithapelo tsa lona” (e bonts’a bongata ka Segerike) li se thibeloe ho 1 Petr 3:7).
 - a) Monna ea sa utloisising boikarabello ba mosali oa hae, ea bileng a sa amoheleng boemo ba hae e le hlooho, a ke ke a nka khato ea ho etellapele mosali oa hae thapelong.
 - b) Temana ena e amana le banna le basali ba sa rapeleng ‘moho hobane monna a se na kutloisiso ea maikarabello a hae lenyalong.

LENYALO

Notes —

Mohlala oa Sengoli:

Ka nako e ngoe, maikutlo a monna e ka ba hore o khathetse ke ho nka khatho linthong tsohle. A ka re: **hobaneng mosali oa ka a ke ke a nka khato ka bo-eena, a re etellepele thapelong?**

Ke monna ea matla, ea utloisisang maikarabello a hae lenyalong a ka etellang mosali oa hae pele thapelong. Hona ke oona **moelelo** oa hlooho. Mohlomong re ka re ke karolo e boima haholo ea bohlooho.

E, banna ba na le matla a tsamaiso, empa ba boetse ba na le boikarabello! Monna ea kokobetseng, ea matla, ea mafolofolo, o tsotella boikarabello ba hae ho feta matla a hae a tsamaiso.

Ntlha ea Puisano

Sebelisa lintlha tse re seng li ts'ohlile ho akofisa puisano mabapi le kutloisiso le mamello ea monna. Hape, araba lipotso tsohle tse malebana le monna e le hlooho.

Beha mohlala oa hau

LENYALO

D. Lipapiso tsa Likamano tsa Lenyalo.

Notes —

Papiso ea #1:

Boraro bo Halalelang (bala 1 Bakr 11:3).

Ho bohlokoa ho utloisisa hore monna le mosali ba lokela ho fumana le ho utloisisa tekano ea bona malebana le boleng ba bona ho Krete, le maikarabello a bona a bohlooho le boikokobetso.

Le Borarong bo Teroneng, taba ena e ea etsahala. Ntate, Mora le Moea ba lekana. Kaofela ha bona ke Molimo. Empa le ha ho le joalo, Mora o ikokobetsa ho Ntate. Moea Eena o ikokobetsa ho Mora.

Sefapano se bonts'a tekano ea monna le mosali (Bag 3:28). Empa hoo ha ho nyenyefatse kapa ho hlakola khaeo ea monna le mosali ea tlholeho. Sefapano se bonts'a tekano ea Mora le Ntate e lipakeng tsa bona e le Boraro bo Halalelang (Baf 2:6). Empa hoo ha ho qhele khaeo ea likamano tsa bona e le Molimo o borarong (bala 1 Bakr 15:27, 28).

Hape, Bible e hlalosang hore Mora o etsa feela seo a bonang Ntate a se etsa (Johan 5:19), le Moea o bua feela tseo o li nka ho Jesu (Johan 16:13, 14). Ba ikokobetsa e mong ho e mong ho latela kamano ea bona, empa ba lekana ka botlalo ka boleng.

Hona ke eona ntho esitang kelello ea botho ka Boraro bo Halalelang. Litho tse tharo tsa Bomolimo li a lekana, empa ba fapane. Le lenyalo le joalo. Monna le mosali ba a lekana ka boleng empa ba fapane ka maikarabello (sheba taba ea “sephiri” ho Bae 5:31, 32).

LENYALO

Notes —

Papiso ea #2:

Kamano pakeng tsa Jehova le Israele.

Lenyalo, Testamenteng ea Khale, le ne le bonts'a kamano e pakeng tsa Molimo le Israele.

Ka kakaretso, re ka bala le ho ithuta buka ea Sefela sa Lifela ho bona hore na papiso ena e sebelisoa joang.

Ka kotloloho, re ka ithuta ka baprofeta ba lulang ba bua ba ipapisitse le papiso ena (sheba Esa 54:1-8; 62:4, 5; Jer 2:2; 3:6-14; 31:32; Ese 16; Ese 23; Hos 1-3; haholo-holo Hos 2:2).

Papiso ea #3:

Kamano e pakeng tsa Krete le Kereke.

Re buile ka papiso ena thutong ena ka kakaretso. Krete, e le hlooho, ke sesupo sa monna. Boikokobetso ba kereke, bo ts'oants'oa le boikokobetso ba mosali. Efela, sephiri sena se seholo (Bae 5:32).

LENYALO

E. Qetello ea thuto ea rona.

Notes —

1. Krete o tlameha ho ba khubu le motheo oa manyalo oohle. Ho moutloa le ho mokhahlisa, e lokela e be maikemisetso a ho phetha boikarabello ba hau lenyalong.
2. Bohlooho/boikokobetso ba monna le mosali, ha li ea lokela ho utloisisoa ho latela seo monna a leng sona, le seo mosali a seng sona. Li lokela ho bonoa e le taolo ea tlholeho e lumellang setho ka seng ho tlatsetsa se seng. Setho ka seng se bohlokoa ka ho ts'oana. Leha ba lekana, ha ba ts'oane.
3. Bolokolohi ba botona kapa bots'ehali, ha bo lokele ho sebelisoa ho leka ho ba seo motho a seng sona. Banna ke banna, le basali ke basali. Monna e ka ba monna ea lokolohileng. Mosali le eena e ka ba mosali ea lokolohileng. Botlallo le bolokolohi, li fumanoa taolong ea tlholeho le popeho ea likamano, e seng ka ntle ho eona. Botlallo le bolokolohi ba banna le basali, li teng hobane ba lekana, e se hobane ba ts'oana.
4. Ha bana le basali ba ananela le ho sebetsa ho latela taolo le tatellano ea tlholeho e hlotsoeng ke Molimo, ba ke ke ba sheba bohlooho e le khatello, ba boetse ba ke ke ba bona boikokobetso e le bokhoba. Ba bona bohlooho le boikokobetso e le lemati le bulehetseng bolokolohi le thabo lenyalo.

LENYALO

Notes

—